

**UNTUK SIARAN SEGERA**



**KENYATAAN MEDIA  
KEMENTERIAN PENDIDIKAN MALAYSIA**

**APPLE LEARNING COACH PERKASAKAN KOMPETENSI  
DIGITAL GURU**

Kementerian Pendidikan (KPM) bekerjasama dengan Apple untuk melaksanakan Apple Learning Coach, program pensijilan profesional percuma, yang melatih jurulatih instruksional dan para pendidik, untuk membimbing guru memanfaatkan sepenuhnya teknologi Apple dalam pengajaran dan pembelajaran.

Inisiatif ini selaras dengan Dasar Pendidikan Digital (DPD) khususnya bagi Teras 2, yang memberikan keutamaan kepada pemerkasaan kompetensi digital pendidik melalui program pembangunan profesional yang berterusan. Sebagai permulaan, seramai 1,500 guru terpilih di seluruh negara akan menerima latihan khusus mulai tahun ini.

Peserta Apple Learning Coach akan mengikuti kurikulum dalam talian yang dibimbing oleh Apple Professional Learning Specialists merangkumi modul akses sendiri dan bengkel maya secara langsung selama dua hari. Pembangunan profesional ini turut menyumbang kepada mata kredit pembelajaran profesional guru.

Program ini sejajar dengan Teras 6 DPD - bekerjasama dengan syarikat seperti Apple untuk mempercepat pencapaian visi DPD untuk melahirkan generasi fasih digital yang berdaya saing, menerusi peningkatan kemahiran 100,000 guru menjelang 2027.

**-TAMAT-**

**KEMENTERIAN PENDIDIKAN MALAYSIA  
27 JULAI 2024**